

杜甫詩

劉文典 著

 雲南出版集團公司  
雲南人民出版社

# 杜甫年譜

劉文典 著



雲南出版集團公司  
雲南人民出版社

## 圖書在版編目 (CIP) 數據

杜甫年譜 / 劉文典著. — 昆明: 雲南人民出版社, 2012.12  
ISBN 978-7-222-10625-3

I. ①杜… II. ①劉… III. ①杜甫 (712~770) — 年譜 IV. ①K825.6

中國版本圖書館CIP數據核字(2012)第319056號

## 杜甫年譜

劉文典 著

責任編輯 尹傑 王曦雲

責任校對 余祿

整體設計 王曦雲

責任印製 陸衛華

### 出版發行

雲南出版集團公司  
雲南人民出版社

昆明市環城西路609號

650034

www.ynppl.com.cn

rmszbs@publ.c. km. yn. cn

787x1092 1/16

7.5

100千  
2013年1月第一版第一次印刷

昆明卓林包裝印刷有限公司

ISBN 978-7-222-10625-3

58.00元

社址

郵編

網址

E-mail

開本

印張

字數

版次

印刷

書號

定價

# 目錄

序……………(一)

杜甫年譜……………(三)

校訂……………(九七)

參考書目……………(一〇七)

附錄……………(一〇九)

謁工部草堂……………(一〇九)

關於劉文典先生之《杜甫年譜》……………劉堯民(一一〇)

後記……………張昌山(一一一)

## 杜甫年譜序

劉文典

杜工以沈博絕麗之才，生風塵瀕洞之際，早歲文章，既驚海內；暮年詩賦，遂動江關。論其風骨，實陵轢乎兩京；研其神思，奕淵源於八代。洵屈、宋之遺音，風、騷之嗣響，揚子雲所謂詩人之賦麗以則者也。至若雙聲疊韻，屬對精工，侔色揣稱，鑄辭英偉。宮徵靡曼，騁八音協暢之奇；雲錦繽紛，極五色相宣之妙。是猶詞人之余事，壯夫所不為，非公絕詣也。奕葉鑽仰，沾溉無窮，韋莊有浣花之編，玉谿擅勝藍之譽，後生可畏，豈其然哉？惟宋、明以降，注釋紛紜，集翠蒙榮，榛蕪未剪。講誦所及，辭而闢之，務去陳言，獨標真諦，遊詞臆說，竝無取焉。



杜甫年譜

杜甫字子美，本出京兆杜陵，自六世祖叔毗徙居襄陽，遂為襄陽人，曾祖依藝終河南鞏縣令，遂世居鞏縣。十三世祖晉駙馬都尉鎮南大將軍當陽成侯預。曾祖依藝，唐監察御史，終河南鞏縣令。祖審言，修文館學士，尚書膳部員外郎，詩稱唐初大家。審言從兄易簡，登進士，累轉中侍御史，咸亨中吏部員外郎（《唐書》本傳。審言從父家鞏，易簡仍居襄守祖墓），亦以文章蜚聲當時。父閑，朝議大夫，兗州司馬，終奉天令。母崔氏。

玄宗開元元年，癸丑，即先天二年，七月歸政，十二月改元，（公元七一三年）<sup>【一】</sup>公生。

正月以吏部尚書蕭至忠為中書令。二月庚子夜開門然燈，又追作去年大酺，大合伎樂。上皇與上御門樓臨觀，或以夜繼晝凡月餘，左拾遺嚴挺之諫乃止。六月，丙辰，以兵部尚書郭元振同中書門下三品。太平公主依上皇之勢，擅權用事，與上有隙，宰相七人，五出其門。文武之臣，大半附之，與竇懷貞、岑羲、蕭至忠、崔湜及太子少保薛稷、雍州長史新興王晉、左羽林大將軍常元楷、知右羽將軍事李慈、左金吾將軍李欽、中書舍人李猷、右散騎常侍賈膺福、鴻臚卿唐駿、及僧慧範等謀廢立，又與宮人元氏謀於赤箭粉中置毒進於上。秋七月魏知古告，公主欲以是月四日作亂，令元楷、慈以羽林兵突入武德殿，懷貞、至忠、羲等於南牙舉兵應之。上乃與岐王範、薛王業、郭元振及龍武將軍王毛仲、殿中少監姜皎、太僕少卿李令問、尚乘奉御王守一、內給事高力士、果毅李守德等定計誅之。甲子上因王毛仲取閑廐馬及兵三百餘人，自武德殿入虔化門，召元楷、慈，先斬之，擒膺福、猷於內客省以出，執至忠、羲於朝堂，皆斬之。薛稷賜死於萬年獄。乙丑上皇誥：『自今軍國政刑，一皆取皇帝處分。』以高力士為右監門將軍、知內侍省事。初太宗定制內侍省不置三品官，黃衣廩食，守門傳命而已。上在藩邸，力士傾心奉之，及為太子奏為內給事，至是以誅蕭、岑功賞之。是後宦官稍增至三千餘人，除三品將軍者浸多，衣緋紫至千餘人，宦官之盛自此始。乙亥以左丞張說為中書令。九月己卯宴王公百寮於承天門，令左右於樓下撒金錢，許中書門下五



品以上官及諸司三品以上官爭拾之，仍賜物有差。十月幸新豐，講武於驪山下。姚元之拜兵部尚書同中書門下三品。十二月改元，姚元之避開元尊號，復名崇。孟浩然廿三歲，李白、王維十四歲。

開元二年，甲寅，（公元七一四年）公二歲。

正月置左右教坊以教俗樂，又選樂工數百人自教法曲於梨園，謂之皇帝梨園子弟。七月作興慶宮。十月吐蕃復寇渭源，薛訥與戰於武街，大破之。吐蕃遣其大臣宗俄因子至洮水請和，用敵國禮，上不許，自是連歲犯邊。

杜甫年譜

開元三年，乙卯，（公元七一五年）公三歲。

九月以馬懷素為左散騎常侍，使與右散騎常侍褚無量更日侍讀。西南蠻寇邊，遣右驍衛將軍李玄道發戎、瀘、夔、巴、梁、鳳等州兵三萬人并舊屯兵討之。以涼州大總管薛訥為朔方道行軍大總管，太仆卿呂延祚、靈州刺史杜賓客副之，以討突厥。

開元四年，丙辰，（公元七一六年）公四歲。

二月吐蕃圍松州，都督孫仁獻襲擊於城下，大破之。六月睿宗崩。十月葬於橋陵，以同州蒲城縣為奉

先縣，屬京兆尹。十二月姚崇罷，宋璟兼黃門監，蘇頌同平章事。

開元五年，丁巳，（公元七一七年）公五歲。

二月上以關中不稔，幸東都。九月改紫微省依舊為中書省，黃門省為門下省，黃門監為侍中。十二月搜訪逸書，選吏繕寫，命國子博士尹知章等廿人同刊正，以左散騎常侍褚無量為之使，於乾元殿前編校群書。是年晁衡自日本來。（《唐書》及《會要》作朝臣仲滿）

公嘗至鄆城，觀公孫大娘舞劍器。《觀公孫大娘弟子舞劍器行》序曰：『開元三載，余尚童稚，記於鄆城觀公孫氏舞劍器渾脫。』錢箋：『「三載」一作「五載」。詩云「五十年間似反掌」，自開元五年至大曆二年，凡五十一年。』

開元六年，戊午，（公元七一八年）公六歲。

正月敕禁惡錢，京城紛然。十一月車駕至西京，吐蕃請和，乞舅甥親署誓文。李邕除陝州刺史。

開元七年，己未，（公元七一九年）公七歲。

六月吐蕃復遣使請親署誓文，上不許。十月辛卯幸驪山溫湯，癸卯還宮。是歲置劍南節度使，領益、

彭等廿五州。

公《壯遊》詩云：『七齡思即壯，開口詠鳳凰』，《奉贈鮮于京兆二十韻》云：『學詩猶孺子』，《進鵬賦表》云：『自七歲所綴詩筆，向四十載矣。』

開元八年，庚申，（公元七二〇年）公八歲。

正月宋璟、蘇頌罷。弛錢禁，惡錢復行。命右散騎常侍元行沖整比群書。十一月突厥寇甘、涼等州。

開元九年，辛酉，（公元七二二年）公九歲。

九月張說同中書門下三品。十一月國子祭酒元行沖上《群書四錄》，凡書四萬八千一百六十九卷。十二月太史上言《麟德曆》浸疏，命僧一行更造新曆。（《大衍曆》）梁令瓚造黃道遊儀。姚崇卒。

公《壯遊》詩云：『九齡書大字，有作成一囊。』

開元十年，壬戌，（公元七二三年）公十歲。

正月命有司收公廨錢，以稅錢充百官俸，收職田。四月張說兼知朔方軍節度使，奏罷戍兵廿餘萬還農，請召募壯士充宿衛。

開元十一年，癸亥，（公元七二十三年）公年十一歲。

正月車駕自東都北巡。四月張說為中書令，置麗正書院，張說為修書使以總之。十月幸驪山，作溫泉宮。初製《聖壽樂》，令諸女衣五方色衣以歌舞之。元結生，崔顥登進士第。

開元十二年，甲子，（公元七二十四年）公十二歲。

開元十三年，乙丑，（公元七二十五年）公十三歲。

二月上自選諸司長官有聲望者十一人為刺史，餞於洛濱，供張甚盛。十月作水運渾天成。十一月封泰山，加內外閑廐使王毛仲開府儀同三司，幸孔子宅致祭。十二月車駕還東都。是歲東都斗米十五錢，青、齊五錢，粟三錢。

開元十四年，丙寅，（公元七二十六）公年十四歲。

四月張說罷，太子太傅岐王範薨。七月灋水暴漲入洛，損諸州租船數百艘，米十七萬二千八百石。懷、衛、鄭、汴、滑、濮大雨，人皆巢居，死者千計。是歲戶七百六萬九千五百六十五，口四千一百四十一萬

九千七百一十二。九月復於龜茲置安西都護府，以唐兵三萬戍之。

《壯遊》詩曰：『往昔十四五，出遊翰墨場。斯文崔魏徒，以我似班揚。』

開元十五年，丁卯，（公元七二七年）公年十五歲。

正月涼州都督王君奭破吐蕃於青海之西，上由是益事邊功。九月與突厥於西受降城為互市，每歲齎緜帛數十萬匹就市戎馬，由是國馬益壯。閏月車駕發東都，十月至西京。十二月令諸道及關中兵十餘萬人集會州防，伺虜入寇。乙亥上幸驪山溫泉，丙戌還宮。徐堅等撰《初學記》成。（《唐會要》）

杜甫年譜

《百憂集行》曰：『憶昔十五心尚孩，健為黃犢走復來。庭前八月梨棗熟，一日上樹能千迴。』

開元十六年，戊辰，（公元七二八年）公年十六歲。

正月宇文融為戶部侍郎，充河南北溝渠堤堰決九河使，請用《禹貢》九河故道開稻田，并回易陸運錢，官收其利，興役不息，事多不就。八月左金吾將軍杜賓客破吐蕃于祁連城下。十二月敕長征兵分五番，歲遣一番還家洗沐，五年酬勳五轉。

開元十七年，己巳，（公元七二九年）公年十七歲。

二月丁卯，嶺州都督張守素破西南蠻，拔昆明及鹽城。三月朔，方節度使信安王禕攻吐蕃石堡城，拔之，更命石堡城曰振武軍。八月癸亥，以每年八月五日為千秋節。宋璟為尚書右丞相。

開元十八年，庚午，（公元七三〇年）公年十八歲。

三月復給京官職田。六月洛水溢，溺東都千餘家。十月吐蕃復款附。時上頗寵任宦官，往往為三品將軍。十一月張說薨。<sup>【五】</sup>

開元十九年，辛未，（公元七三一年）公年十九歲。

正月王毛仲貶灤州別駕，至永州，追賜死。吐蕃求《毛詩》、《春秋》、《禮記》。九月請於赤嶺為互市，許之。十月上幸東都。

公遊晉至郇瑕，（今山西猗氏縣）<sup>【六】</sup>《哭韋之晉》詩曰：『悽愴郇瑕地，差池弱冠年。』<sup>【七】</sup>《酬寇侍》詩曰：『往別郇瑕地，於今四十年。』

開元廿年，壬申，（公元七三二年）公年二十歲。

二月信安王禕大破奚、契丹於幽州。六月遣范安及於長安廣花萼樓筑夾城至芙蓉園。九月牛仙客為河西節度使。十月上發東都，幸潞州至北都。十二月還西京。是歲戶七百八十六萬一千二百三十六，口四千五百四十三萬一千二百六十五。

公遊吳越。《壯遊》詩東下姑蘇，渡浙江，遊剡溪，當在是年。《進三大禮賦表》云：『浪跡於陛下豐草長林，實自弱冠之年。』

杜甫年譜

開元二十一年，癸酉，（公元七三三年）公年二十一歲。

二月韓休同中書門下平章事。十一月宋璟致仕歸東都。十二月韓休罷，張九齡同中書門下平章事。是歲分天下為京畿、都畿、關內、河南、河東、河北、隴右、山南東道、山南西道、劍南、淮南、江南東道、江南西道、黔中、嶺南，凡十五道。

公遊吳越。

開元二十二年，甲戌，（公元七三四年）公二十二歲。

正月帝幸東都。五月張九齡為中書令，李林甫同平章事。二月韋濟薦方士張果，八月請歸恒山，詔果

為光祿大夫。十二月張守珪斬契丹王屈烈及可突干，傳首東都。

公遊吳越。

開元二十三年，乙亥，（公元七三五年）公年二十三歲。

帝在東都。十二月冊故屬州司戶楊玄琰女為壽王妃。玄宗注《老子》并修義疑八卷，製《開元文字音

義》頒示公卿。（《唐會要》）

公自吳越歸東都，貢舉不第。《壯遊》詩曰：『歸帆拂天姥，中歲貢舊鄉。……忤下考功第，獨辭京尹堂。放蕩齊趙間，裘馬頗清狂。……快意八九年，西歸到咸陽。』本傳：『應進士，不第。』按唐初考功郎掌貢舉，開元廿四年考功郎李昂為舉人詆訶，帝以員外郎望輕，徙禮部，以侍郎主之，則公下考功第當在是年。

開元二十四年，丙子，（公元七三六年）公年二十四歲。

三月移考功貢舉於禮部，委侍郎掌之。四月張守珪執送安祿山於京師，帝赦之。又以史宓干為有功，奏為果毅，累遷將軍。後入奏事，賜名思明。十月車駕還西京。十一月張九齡罷，李林甫兼中書令，牛仙客同平章事。是年西京大明宮置集賢殿書院。

公遊齊趙。《壯遊》詩云：『放蕩齊趙間，裘馬自清狂。春歌叢臺上，冬獵青丘旁。呼鷹皂櫪林，逐



獸雲雪崗。』

開元二十五年，丁丑，（公元七三七年）公二十五歲。

四月張九齡貶荊州長史，廢太子瑛、鄂王瑤、光王琚為庶人，賜死。七月以幾致措刑，歸功宰輔，賜李林甫晉國公、牛仙客幽國公，刪修律令，九月頒行。十一月宋璟卒。是年王維為監察御史，在河西節度幕中。

公遊齊趙。《上後園山腳》詩云：『昔我遊山東，憶戲東嶽陽。窮秋立日觀，矯首望八荒。』

杜甫年譜

開元二十六年，戊寅，（公元七三八年）公二十六歲。

三月杜希望攻拔吐蕃新城，以其地為威戎軍。六月張守珪大破契丹林胡，遣使獻捷。九月冊南詔蒙歸義為雲南王。是歲於西京東都往來之路作行宮千餘間，分左右羽林，置龍武軍，以萬騎營隸焉。

公遊齊趙。

開元二十七年，己卯，（公元七三九年）公二十七歲。

八月追諡孔子為文宣王，蓋嘉運大破突厥施於碎葉城，擒其王吐火仙送京師。九月先隸突厥施諸部皆